



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 193. Scoti ad amplectendum Ecclesiæ Anglicanæ ritum a Jacobo I. Rege
coacti.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

ribus. Die autem duodecima Octobris exorto inter Franciscanos & Capuccinos diffidio declaravit, quod hi in publicis supplicationibus ubique propriam Crucem deferre valeant. Die autem vigesima Novembris constitutiones Sixti V. & Clementis VIII. de non alienandis bonis declarabat. Denique Pontifex die secunda Decembris ad Indicem librorum prohibitorum rejici jussit librum, cui titulus: *Deus & Rex, seu Dialogus, quo demonstratur Jacobum Regem in Regnis suis iustissime sibi vindicare, quicquid in juramento fidelitatis requiritur.*

Sæc. XVII.
A. C. 1617.

§. CXCIII.

Scoti ad amplectendum Ecclesiæ Anglicanæ ritum a Jacobo I. Rege coacti.

Quo magis Jacobus I. Angliæ Rex supremum, ac Monarchicum imperium sibi vindicare intentus erat, eo ardentius Puritanos, præcipue Scotos a sua regiminis norma, quæ Aristocratix accedebat, avertere nitebatur, cumque privatarum Communitatum Presbyteri, Clerique conventus omnem sibi auctoritatem asseruissent, Episcopis præter inane nomen nulla potestate relicta, hinc Scotiæ Ecclesiam, ad Anglicanæ, a qua hæc in aliis etiam

Annal. Jacob. I. Thoiras Hist. d' Angl. l. 18. Calmet Hist. Univ. l. 152. rum. 48.

Uu 3

dif-

Sæc. XVII. differebat articulis, normam sensim
A. C. 1617. reducere statuit. Hunc in finem jam
 antea ad generalem hujus Regni Synodum sequentes transmiserat articulos Ecclesiæ Canonibus inferendos. I. Deinceps flexo poplite communio recipiatur. II. Eucharistiæ Sacramentum ad infirmos deferatur, ibique saltem tres aut quatuor Personæ Synaxin recipere jubeantur. III. In die Nativitatis Dominicæ, Paschatis, Ascensionis, & Pentecostes tanquam dies festi celebrentur, & Concionatores textibus ad hæc festa accommodis utantur. IV. Confirmatio hoc modo administretur scilicet, Ministri infantes ad septimum vel octavum ætatis annum proventus doctrina Christiana imbuant, postea Episcopi Diæcesin visitaturi, eis suam impertiantur benedictionem, precantes Deum, ut ipsis suam gratiam, & Spiritus Sancti dona indulgeat. V. Baptismus ultra proximam diem Dominicam non differatur, urgente autem necessitate in privatis domibus administretur, & proximo Dominico die Baptismum sic fuisse collatum in Templo annuntietur. Quartum articulum Rex duntaxat eo fine urgebat, ut saltem Episcopi in hac functione partem aliquam haberent. Ceterum Ministri in Scotia congregati, cum Regis consilium

Sæc. XVII.
A. C. 1617.

lium facile subolerent, eidem palam declarabant, quod ad conservandam pacem hos articulos quidem acceptare haud renuerent, illos tamen Canonibus inferere haud necessarium foret, cum ob eorum novitatem ad stabiliendam perfectam unionem minus idonei essent: Hac repulsa offensus Rex, non modo hos articulos, sed ceteros omnes Ecclesiæ Anglicanæ ritus Scotis vi obtrudere statuit, ratus, sibi tanquam supremo Ecclesiæ Capiti, Religionem, quamcunque voluerit, suis subditis præscribendi potestatem competere: Eapropter hoc anno ipse in Scotiam iter instituit, sparso prius rumore, quod ibidem non quidem Politicum aut Ecclesiasticum Regimen immutare, sed duntaxat quasdam corruptelas in Ecclesiam, & Statum irrepentes emendare intendat: Præmiserat quoque ex Anglis Nobilibus nonnullos, qui secum icones, & Statuas Sanctorum Apostolorum deferebant, illisque Regium Edinense Sacellum ornari curabant, quo conspecto Scoti plus æquo indignantes exclamabant: *Icones præcedunt, paulopost Missa sequetur.* Postquam Rex Bervicum pervenerat, Regni comitia prorogari iussit, ut ipse præsens die decima octava Junii habita oratione illis initium dare

U u 4

pos-

Sæc. XVII. posset. Exposuit autem inter cetera,
A. C. 1617. quod suus adventus necessarius fuisset
 ad illud Regnum, in quo publice Evan-
 gelii professio nisi septem annos ante ipsum
 natum non obtinuit, quo tempore tot dam-
 nis afflictæ fuit Ecclesia, tot vulneribus con-
 fossa, ut non minus vere, quam vulgo de
 ea dici consueverit, Reformationis prætextu
 deformationem subiisse. Postea Rex quos-
 dam nominari petiit, qui cuncta ad Re-
 ligionem spectantia discuterent, atque
 emendarent: quinimo horum nominatio-
 ne haud expectata, tres sibi addictos
 ipse designabat: repugnante autem
 Senatu Rex in furorem actus, sibi om-
 nino obtemperandum esse edixit, ipse-
 que sequentem præscripsit articulum:
*quicquid a Rege & Episcopis fuerit sancti-
 tum circa externum Ecclesiæ Regimen, id
 omne pro lege Ecclesiastica habeatur, cui
 omnes sese submittere teneantur.* His sub-
 junxit Rex: *non equidem prudentum Mi-
 nistrorum consilia respuo, tolerare autem
 nequeo, ut meo iudicio prævaleat major
 suffragantium numerus, prout antehac in
 Cleri comitiis factum est. Episcopi regant
 Ministros, & Rex regat universos in om-
 nibus, quæ Dei obsequio non repugnant.*
 Ex his Edinenses ac circumvicini Pa-
 storculi despoticum Regis imperium
 perspicentes, suæque auctoritatis ex-
 cidium imminere rati, malo remedium
 oppo-

opponere statuunt, hancque ob rem Sæc. XVII.
 contra præfatum articulum palam re- A. C. 1617.
 clamant, ac quemdam Ministrum no-
 mine Hevetum ablegant, qui eorum
 querelas Regi scriptotenus traderet:
 Hic antè Regis cubile ingressus, scri-
 ptum hoc tradere ab Archiepiscopo Sant-
 Andreano rogatur: cum autem hic il-
 lud in suam peram recondideret, mox
 Minister in illum irruens, scriptum ex
 ejus manibus cum tanto impetu ac tu-
 multu extorsit, ut Rex e cubili suo
 profiliens, re comperta Ministrum tam
 asperis redargueret verbis, ut hic ad
 ejus pedes provolutus, petita venia,
 se nunquam huic causæ ingessurum
 sponderet. Cum nihilominus Rex ad
 sui propositi executionem consensum
 Ministrorum sibi necessarium fore co-
 gnosceret, his omnibus ad diem de-
 cimam Julii convocatis hæc exposuit:
 „Plurimas, quibus me læsistis injurias
 „hucusque dissimulavi, nunc vero edi-
 „cite vestras rationes, ob quas meo man-
 „dato obsistitis: ratione duci paratus
 „sum, si vero justa & pia præcipio,
 „ea mihi denegari, aut resisti non pa-
 „tior. „ Postrema hæc verba Rex tan-
 ta severitate & Majestate pronuntia-
 bat, ut omnes Ministri velut fulmine
 tacti ad ejus pedes corruerent: Rex
 vero hæc addidit, jure naturæ & ex

Sæc. XVII. „prærogativa omnibus Christianis Re-
 A. C. 1617. „gibus concessa Ecclesiæ disciplinam,
 „accedente Episcoporum consilio, ad
 „arbitrium meum dirigendi potestas
 „mihi competit: attendite igitur, siue
 „eam approbaveritis, siue non, ita erit,
 „uti volo. „ His perceptis Ministri de-
 liberatione inter se habita Regi suppli-
 carunt, ut Synodum, in qua hi arti-
 culi communi suffragio acceptarentur,
 haberi permetteret: Renuit Rex, hæc
 subjungens, „num de Synodi assensu ca-
 vere audetis? „& si ea meos articulos
 „sit rejectura, nonne Regia potestate uti
 „compellor, nonne tum vos e vestris
 „suggestibus contra me declamabitis,
 „meque tanquam Tyrannum & Eccle-
 „siæ hostem pro more vestro traducetis? „
 Tum omnes uno ore exclamarunt, *ab-*
sit hoc a nobis: contrarium tamen, addebat
 Rex, *jam expertus sum, quocirca non ce-*
lebrabitis Synodum, quam tamen postea
 placatior factus eis indulgit, Simsonium
 vero Prædicantem, qui scriptam repul-
 sam confecerat, carcere, Catherwo-
 dum vero, qui ceteros Ministros ad re-
 clamandum incitabat, exilio plecti
 iussit.

§. CXCIV.

*Quinque articuli in Berthensi conventu
 ab Anglicæ Ministris acceptati.*

Habe-